



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Collegiis Canonicoꝝ Per Germaniam, Belgivm, Galliam, Hispaniam, Italiam, Aliasqve Orbis Christiani Prouincias, Liber Singvlaris

Le Mire, Aubert

Coloniae Agrippinae, 1615

Capvt L. S. Amati Collegivm Dvacense, in dioecesi Atrebatensi.

urn:nbn:de:hbz:466:1-11227

CAPVT L.

S. AMATI COLLEGIVM DVACENSE, in diœcesi Atrebatensi.

S Amatus fuit Episcopus Senouensis in Gallia, sed apud Theodericum Gallia Regem accusatus, in exilium est ablegatus, causa non discussa. Quamobrem Peronæ exulavit vsque ad mortem Ultani Abbatis: deinde B. Mauronto commendatus, primum Hamatici vixit, vbi sepeliuit sanctas Abbatissas Gertrudem & Eusebiam: Postmodum requisitus à *Rictrude*, & filio eius iam dicto *Mauronto*, suscepit regimen monasterij sancti Petri, quod Broyli in fundo suo apud Menapenses construxerant. Quo in loco monasticam congregationem gubernauit, & populo alimenta cælestis prædicationis ministravit, vsque ad annum 690. quo sanctissimam vitam finiuit. Eius corpus, sed & ferri pondus, quod ad collum gestauerat, multis miraculis claruerunt. Quibus auditis Theodericus Rex ad sepulcrum veniam perpetrati in eum facinoris flagitauit; & multas possessiones ad alimoniam seruorum Dei contulit. Maurontus verò ad honorem eiusdem Præfulis, sui etiam patrimonij multa prædia per chartarum instrumenta assignauit. Præterea haud longè à Beati Petri Ec-

tri Ecclesia, aliam Deiparæ construxit basilicam. Ad quam diuinitus monitus cum *sancto Baino* Norinorum Episcopo, Beati Amati reliquias transtulit. Postea à clero Meruillano, propter Normannorum incursiones, Duacum est translatus, in sui iuris Ecclesiam. Anno denique 874. obtinuerunt fratres Meruillani siue Broilenses à Ioanne Episcopo Cameracensi, Carolo Rege, & Arnulpho Flandriæ Comite, vt cum omnibus priuilegijs & possessionibus Duaci possent remanere. 874.

Fuit itaque S. Amati Collegium olim Benedictinorum monasterium.

Ceterum Broilus seu Broilum est hodie Flandriæ occidentis opidum, quod Flandri *Mergenum*, Galli *Meruillam*, quasi *Mauronti villam* nuncupant. Spectat autem hodieque Meruillæ dominium, ad Amatense Canoniorum collegium.

In opido Duacensi insignis est Academia à Philippo Secundo Rege Catholico Belgarumque Principe excitata: cuius Cancellarius perpetuus est Præpositus sancti Amati.

In eodem opido Duacensi est & alterum Canoniorum collegium
D. Petro Apostolo
sacrum.